



zenički privredni **2021** **BILTEN**

SLUŽBE ZA PRIVREDU I UPRAVLJANJE RAZVOJEM GRADA ZENICA I ZENIČKE RAZVOJNE AGENCIJE ZEDA




NEWSLETTER 2/2021

Svaki kraj ulijeva se u novi početak, pa krajem 2021. godine završavamo dio aktivnosti, a već u prvim danima januara 2022. nastavljamo realizovati

one koje nismo dovršili i započinjemo nove.

Drugi Bilten u 2021. godini prezentuje aktivnosti Službe za privredu i upravljanje razvojem

Grada Zenice i Agencije ZEDA koje su se realizovale u drugoj polovini 2021. godine i najavljujemo ono što slijedi u 2022. godini.



INVESTICIJSKA FONDACIJA IMPAKT I GRAD ZENICA PODRŽALI ŠEST NOVIH BIZNISA

Zenica je i 2021. godine bila domaćin javnog predstavljanja poslovnih ideja koje su razvijene u IMPAKT inkubatoru poslovnih ideja, integralnog programa podrške razvoju fondacija Impakt i Grad Zenica su na ovom događaju ocijenili šest poslovnih ideja učesnika Inkubatora u Zenici koji su predstavili svoje poslovne ideje, a odabrano je svih šest koji će imati priliku aplicirati za bespovratna finansijska sredstva, kao i koristiti stručnu i mentorsku podršku za dalji razvoj poduzetništva. U sklopu zajedničke saradnje između Investicijske fondacije



Impakt i Grada Zenice u 2021. godini nastavljena je realizacija podrške razvoju preduzetništva, koja je fokusirana na razvoj preduzetničkih kapaciteta učesnika Inkubatora. Kao rezultat obuke, grupa od šest polaznika je razvila poslovne modele i planove i na ovom događaju stručnoj komisiji predstavila detaljne prikaze svojih poslovnih prijed-

loga. Zahvaljujući obuci, sve predstavljene ideje, uobličene u poslovne projekte, su dobile bespovratnu finansijsku podršku u iznosu od 5.000,00 KM za realizaciju, kao i stručnu i mentorsku podršku za dalji razvoj. Grad Zenica je sufinansirao ovaj program podrške poduzetništva sa 25.000,00 KM, dok je IMPAKT Fondacija učestvovala sa 25.000,00 KM.

Dobitnici grantova su: **Avdo Bašić** (Kovački obrt "KOV BA"), **Rialda Jašarević** i **Alma Bašić** (BASIC), **Sabina Mehmedinović** (CNC art Zenica), **Elvira Ganibegović** (KIDTROPOLIS 2 Zenica), **Mahir Prijčić** (Agencija za pružanje usluga finansijskog savjetovanja i ulaganja) i **Zerina Čolaković** (Tradicionalni stari obrt "KIDOTENT").

VAUČER PROGRAM ZA INOVACIJE

Služba za privredu i upravljanje razvojem u saradnji sa agencijom za lokalni razvoj Zeda i agencijom za razvoj preduzeća Eda iz Banja Luke je tokom 2021. godine na području g Vaučer program za inovacije Ovim programom na području Zenice podržano je 8 preduzeća sa ukupnim grantom od 100.000,00 KM, dok je ukupna vrijednost implementiranog projekta iznosila 152.620,22 KM.

Vaučer program za inovacije je dio projekta Evropski akt o malom biznisu kao okvir strategija i politika za mala i srednja preduzeća u Bosni i Hercegovini koji finansira Švedska, a provodi ga Agencija za razvoj preduzeća – Eda, Banja Luka. Projekat ima za cilj ubrzanje ekonomske integracije sa Evropskom unijom u oblasti okvira za podršku malim i srednjim preduzećima (MSP), sa pozitivnim

uticajem na ostvarenja MSP u Bosni i Hercegovini kroz stvaranje harmonizovanog zakonskog, strateškog i policy okvira za MSP.

Vaučer program za inovacije predstavlja podršku MSP s ciljem da se obezbijedi razvoj novog proizvoda, usluge ili procesa direktnim korištenjem usluga poslovnih subjekata, kao i usluga naučnih, obrazovnih i istraživačkih ustanova/institucija.

iSKOraK - PARTNERSTVO ZA NOVA RADNA MJESTA

iSKOraK

PARTNERSTVO ZA NOVA RADNA MJESTA

U 2021. godini Grad Zenica, zajedno sa partnerima, aplicirao je na projekat pod nazivom „iSKOraK - Partnerstvo za nova radna mjesta“ na javni poziv pod nazivom „Podrška Evropske unije lokalnim partnerstvima za zapošljavanje – Faza II“ (LEP II) koji finansira Evropska unija a realizuje Međunarodna organizacija rada (MOR) u Bosni i Hercegovini. Projekat je odobren i njegova implementacija će započeti nakon potpisivanja ugovora u 2022. godini. Pored Grada Zenica koji je glavni nosilac aplikacije partneri u projektu su: Zenička razvoja agencija ZEDA d.o.o.,

Služba za zapošljavanje Zeničko-dobojskog kantona, JU Srednja mješovita škola „MLADOST“ Zenica, JU Mješovita srednja industrijska škola Zenica, Omladinsko udruženje „REAKTIVIRAJ“ (REAKTIV), Općina Breza, kao mala i srednja preduzeća: Orlando-Samel-Namještaj doo Zenica, Boha d.o.o. Zenica, Bega-komerc d.o.o. Zenica, Braća Karić d.o.o. Zenica i AREL d.o.o. Zenica.

Ukupna vrijednost projekta je 479.214,14 KM, doprinos MOR-a je 312.932,80 KM a ostatak sredstava u iznosu od 166.281,34 KM sufinansiraju partneri na projektu i sam

projekat bi trebao trajati 21 mjesec.

Projekat iSKOraK usmjeren je ka kreiranje seta aktivnosti koji će svojom uspješnom realizacijom direktno uticati na smanjenje broja nezaposlenih na evidenciji Službe za zapošljavanje ZDK. Glavni cilj ovog projekta je povećati broj zaposlenih osoba na području djelovanja lokalnog partnerstva za zapošljavanje (LPZ) uz povećanje životnog standarda krajnjih korisnika.

Korisnici iSKOraK-a će biti nezaposlene osobe sa područja grada Zenice i općine Breza sa završenom srednjom školom, sa ili bez radnog iskustva, evidentirane na Birou, sa posebnim fokusom na mlade 19-29 godina, te nezaposlene žene i muškarce na evidenciji duže od 12 mjeseci koje žele registrovati vlastiti biznis.



EU4AGRI

Tokom 2021. godine objavljen je javni poziv za mjeru podrške investicijama za unapređenje i razvoj ruralne/ lokalne tržišne infrastrukture. Služba za privredu i upravljanje razvojem je u saradnji sa Agencijom ZEDA i JP Tržnica d.o.o. Zenica uradila i aplicirala projekat "Unapređenje infrastrukture i

sajamskih kapaciteta Gradske tržnice Zenica".

Projekat „Podrška Evropske unije konkurentnosti poljoprivrede i ruralnom razvoju u Bosni i Hercegovini“ (EU4AGRI) je četverogodišnji projekat (2020-2024.) koji ima za cilj da modernizira poljoprivredno-prehrambeni sektor i poboljša ruralnu ekonomiju povećavajući konkurentnost poljoprivredne proizvodnje, poslova i usluga. Projekat pro-

vode Razvojni program Ujedinjenih nacija (UNDP) u Bosni i Hercegovini i Češka razvojna agencija.

Ukupna vrijednost apliciranog projekta je 266.830,00 KM, sredstva Evropske unije su u iznosu od 199.900,00 KM, dok ostatak od 66.930,00 KM će obezbijediti Grad Zenica.

GRAD ZENICA DOBIO SREDSTVA FONDA ZA ZAŠTITU OKOLIŠA FBiH

Služba za privredu i upravljanje Grada Zenice aplicirala je u ime Grada Zenice na Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2021. godinu, koji je proveo Fond za zaštitu okoliša Federacije BiH. Imeđu ostalog, ostvarena su prava korištenja sredstava za projekte unapređenja korištenja energije i to za projekat „Utopljanje objekta JU Centar za socijalni rad“ u iznosu do 70.000 KM.

Projekat podrazumijeva implementaciju mjera energetske efikasnosti na objektu JU Centar za socijalni rad, definisanih u detaljnom energetskom pregledu, koji je u vlasništvu Grada Zenice, a koji je urađen od strane ENOVA



d.o.o. Sarajevo i nLogic d.o.o. Sarajevo, i to: krovopokrivačke radove, izolacije lučnog krova, termoizolacije vanjskih zidova, fasadne i stolarske radove, kao i izvedene mašinske i elektro instalacije.

To bi rezultiralo funkcionalnoj i vizuelnoj transformaciji te ugodnijem boravku uposleni-

ka i korisnika prostorija Centra za socijalni rad u Zenici.

Ukupna vrijednost projekta iznosi 243.953,78 KM sa PDV-om, gdje će Grad Zenica sufinansirati radove sa 173.953,78 KM sa PDV-om, a Fond za zaštitu okoliša sa 70.000,00 KM. Radovi bi trebali početi početkom 2022. godine.

PREDSTAVNICI AGENCIJE ZEDA NA EDUKACIJI U NIKŠIĆU U OKVIRU PROJEKTA iNnovaNet

U junu 2021. godine, predstavnici Agencije ZEDA su boravili u Nikšiću na edukaciji koja se realizovala u okviru aktivnosti projekta iNnovaNet - Innovative technologies for stronger businesses and improved business environment (Inovativna tehnologija za snažnije kompanije i unapređeno poslovno okruženja) koji finansira EU.

Agencija ZEDA je vodeći partner u projektu iNnovaNet, a edukaciju su organizovali partneri u Projektu iz Crne Gore - Inovaciono Preduzetnički Centar Tehnopolis na kojoj su još učestvovali i partneri IPNG-Industrijski park Nova Gradiška iz Hrvatske kao i



Grad Gradiška iz BiH.

Edukacija je bila vezana za aktivnosti kreiranja virtuelne platforme koja je planirana ovim Projektom, a koja će biti

korištena za postavljanje edukativnih materijala, kurseva koji će biti razvijeni u partnerskim organizacijama i koji će biti dostupni i nakon završetka Projekta.

To znači da će platforma korisnicima omogućiti postavljanje i kreiranje edukativnih sadržaja u svrhu obrazovanja, kreiranje kvizova, kurseva, korištenje aplikacija za potrebe audio i video komunikacije te brojne druge mogućnosti.


Također, ovom prilikom, održan je sastanak članova Projektnog tima, radni sastanak sa predstavnicima partnera, a upriličena je i posjeta Tehnopolisu.

Napominjemo:

Opći cilj ovog Projekta je povećanje konkurentnosti malih i srednjih preduzeća (MSP) u regiji stvaranjem povoljnog poslovnog okruženja, razvojem infrastrukture za podršku poslovanju i poboljšanje stepena znanja sadašnjih i budućih preduzetnika, studenata i zaposlenih.

Ukupna vrijednost projekta iznosi 1.320.786,21 EUR od čega EU finasira 85%, a radi se o programu Prekogrančne saradnje HR-BiH-MNE 2014-2020.

Dodatne informacije o projektu možete pronaći na linkovima (skenirajte QR code)



Poslovna zona „Zenica 1“



U toku 2021. godine u Poslovnoj zoni „Zenica 1“ realizovan je projekat zamjene stolarije i utopljanje vanjskih zidova na objektu tehнопarka „ZEDA“ koji je sufinansirao Fond za zaštitu okoliša FBiH u iznosu od 100.000,00 KM. Ukupna vrijednost projekta iznosila je 209.898,00 KM.



ZENICA MEET UP

U cilju zalaganja za razvoj Bosne i Hercegovine i svih njenih građana i svijesti o potrebi poboljšanja stanja građana Bosne i Hercegovine u domovini i dijaspori, a vođeni statutarnim odredbama i aktivnostima organizacije i-dijaspore, Grad Zenica je početkom 2021. godine predstavio novi projekat u saradnji sa organizacijom „i-platforma“ koja ima za cilj podržati i promovisati razvoj BiH povezivanjem dijaspore BiH u Švicarskoj, prikupljanjem i razmjenom informacija, povezivanjem aktera iz obje države, stvaranjem sinergija, podrškom i promicanjem inicijativa koje doprinose razvoju socijalnog, ekonomskog i kulturnog procesa u BiH.

U tom cilju, Grad Zenica kontinuirano svakog mjeseca organizuje projekat „Zenica Meet up“ koji se realizuje u saradnji sa i-platformom i Gradskom upravom Zenica, kao virtuelni događaj putem kojeg se građani te preduzetnici koji vode porijeklo iz ovog grada predstavljaju, druže i upoznaju sa trenutnom situacijom, predstavljaju svoje stavove o trenutnoj situaciji u svom rodnom gradu, predlažu šta se može uraditi u budućem poslu i tako se aktivno uključuju u projekt koji je izuzetno važan za njihovu lokalnu zajednicu.

„Zenica Meet Up“ omogućio je Zeničankama i Zeničanima, ali i drugim Bosancima i Hercegovcima, da se upoznaju sa trenutnom socijalno – političkom situacijom u gradu, da istaknu svoje prijedloge za poboljšanje svakodnevnice



sugrađana, razmisle o potencijalnim investicijama, i uopće susretu se sa građanima ovog bosanskohercegovačkog grada koje, moguće, nisu godinama vidjeli. Tokom druge polovine 2021. godine veliki broj mladih i starih Zeničanki i Zeničana učestvovao je u akciji čišćenja grada i prigradskih naselja, što je u konačnici rezultiralo sa više od 3.500 prikupljenih vreća smeća. Čišćenje se sprovodilo na devet lokacija koje su zahvatile gradske ulice i naselja, obale rijeka, potoke i kvartove, parkove, dijelove magistralnog i regionalnog puta, te brojna sela. Sav prikupljeni otpad naknadno je odložen na regionalnu deponiju Mošćanica, što je bila zasluga Grada Zenice, odnosno Službe za ekologiju, komunalne poslove i mjesne zajednice. Nekoliko dana prije

same akcije, mala grupa Zeničana postavila je table sa ekološkim porukama koje su dodatno motivisale okupljene na nadolazeću akciju.

Putem naših Meet-Upa umrežilo se preko 100 Zeničana širom svijeta, a svaki novi Meet-Up donosi novu energiju i snagu. Uspješne priče zeničke dijaspore svaki put su u fokusu svakog narednog Meet-Upa. Pored uspješnih priča, na jednom od posljednjih sastanaka razgovarali smo o budućem projektu mlade Zeničanke koja se odlučila vratiti u svoj rodni grad i prenijeti primjere dobre prakse iz Japana. Naime, radi se u budućoj organizaciji eko trke na Smetovima Zenica Steel Trail koju će organizovati Udruženje Modern Escape.

Do sada je održano ukupno 10. Zenica Meet up-a.

USPJEŠNO ZAVRŠENA REKONSTRUKCIJA KROVA “DOMA ARMIJE” U ZENICI



Služba za privredu i upravljanje razvojem Grada Zenice uspješno je završila projekat rekonstrukcije krova “Doma Vojске Federacije BiH”, odnosno “Doma armije” u Zenici.

Radovi su završeni i izvedeni po odobrenoj investiciono tehničkoj dokumentaciji urađenoj od strane Javnog poduzeća za prostorno planiranje i uređenje grada d.o.o. Zenica od februara

2021. godine, prema Ugovoru o izvođenju radova.

Stručni nadzor nad izvođenjem svih faza na objektu vršilo je JP za prostorno planiranje i uređenje grada d.o.o. Zenica, a na temelju Rješenja o određivanju nadzornog tima nad izvođenjem radova.

Izvođač radova “Braća Karić” d.o.o. Zenica započelo je radove 26. jula 2021. godine, a isti su završeni 3. septembra 2021. godine.

Vrijednost ovog projekta iznosila je 86.113,47 KM sa PDV-om. Fond za zaštitu okoliša FBiH osigurao je 51.000 KM, dok je ostatak plaćen iz budžeta Grada Zenice.

GRAD ZENICA I ZEDA UČESTVOVALI NA PARTNERSKOM SASTANKU U OKVIRU AGORA PROJEKTA

Grad Zenica je u 2020. godini počeo implementaciju projekta „Advancing innovative co-Generation Options for Reintegrating local Assets“ pod akronimom „AGORA“ i ima status partnera, a Zenička razvojna Agencija ZEDA status pridruženog partnera. Aktivnosti u ovom Projektu se kontinuirano nastavljaju.

U julu 2021. godine održan je mjesečni sastanak na kojem su prisutni bili predstavnici Grada Zenica i Zeničke razvojne agencije ZEDA. Na sastanku se razgovaralo o prethodnom izvještajnom periodu, AGORA platformi koja je u fazi pripreme, kao i AGORA priče iz Kišinjeva, glavnog grada Moldavije.

Na sastanku je također prezentovana platforma koja detaljno



objašnjava INTERREG Danube Transnational Programme – Dunavskog Transnacionalnog Programa, tematske prioritete, te geografska područja svih 28 partnera i 14 pridruženih partnera zemalja (Rumunija, Hrvatska, Slovenija, Njemačka, Češka Republika, Belgija, Italija, i druge), te 10 gradova.

Na održanom sastanku predstavljen je Newsletter – ljetni bilten za 2021. godinu koji sadrži lokalne priče urbane rege-

neracije – AGORA WALKS, te projekti opremanja 10 gradova u Dunavskoj regiji boljim znanjem i inovativnim instrumentima administrativne politike za uvođenje slobodnog/hedovoljno korištenog prostora u urbanim gradovima.

AGORA ima za cilj da se projektom koristi evropska ekspertiza, kreativnost i lokalni kontekst u svrhu prevazilaženja ograničenja postojeće legislative, kao kulturoloških i konceptualnih razlika između gradskih administracija i drugih aktera u lokalnoj zajednici.

Vrijednost projekta je 2.242.623,51 EUR i implementira se u periodu od 01.06.2020. godine do 30.11.2022. godine, odnosno 30 mjeseci.

ODRŽANA PRVA RADIONICA U SKLOPU AGORA PROJEKTA – „IDENTIFIKACIJA I PRIORITETI“

U oktobru 2021. godine u organizaciji Grada Zenice i Agencije ZEDA održana je Prva radionica u sklopu AGORA Projekta – „Identifikacija i prioriteti“.

Radionici su prisustvovali zenički privrednici, predstavnici Gradske uprave Zenica, Agencije ZEDA, predstavnici nevladinog sektora, te predstavnici Univerziteta u Zenici.

Aktivnostima na radionici i implementacijom projekta AGORA planirano je unaprijeđenje gradske imovine (poslovni prostori, društveni domovi, Biznis Inkubator Zenica, TechnoPark Zenica), a na istoj su predstavljene tehničke karakteristike objekta Aneks B u Poslovnoj zoni Zenica 1.

Na radionici se također raspravljalo i o perspektivi razvoja poduzetničke strukture, u okviru koje je uslijedila panel dis-



kusija o budućim funkcijama Aneks B objekta, te potencijalima drugih nedovoljno korištenih objekata iz perspektive stejkholdera.

AGORA je projekat koji se provodi i finansira u sklopu EU INTERREG Dunavskog transnacionalnog programa. Konzorcij projekta okuplja 28 partnera iz

14 zemalja, od čega 10 gradova. Grad Zenica ima status partnera, a Zenička razvojna agencija ZEDA status pridruženog partnera.

Više informacija o AGORA projektu možete pročitati na linku <https://www.zenica.ba/centar-za-investitore/aktuelni-projekti/agora/>

ODRŽAN KICK OFF SASTANAK SA STEJKHOLDERIMA U OKVIRU PROJEKTA PROGIREG

U junu 2021. godine održan je Kick off sastanak projektnog tima ProGireg projekta sa predstavnicima svih bitnih stejkholdera. Sastanak je otvorio Gradonačelnik Fuad Kasumović, naglasivši važnost učesća u međunarodnim projektima kao i bitnost uključenosti svakog pojedinca radi ostvarivanja napretka i koristi za sve građane Zenice. Ovi projekti su nešto što nas sigurno sve više očekuje u narednom periodu, te moramo biti spremni iskoristi sve prilike za unapređenje lokalne zajednice koje nam se ukažu, naglasio je gradonačelnik. Sastanku su također prisustvovala pomoćnica gradonačelnika za privredu i upravljanje razvojem, gospođica Amra Mehmedić, pomoćnica gradonačelnika za urbanizam, gospođa Bojana Primorac, savjetnik gradonačelnika za urbanizam, gospodin Mirsad Heleg kao i predstavnici gradskih službi:

Službe za privredu i upravljanje razvojem, Službe za urbanizam, imovinsko-pravne, geodetske poslove i katastar, predstavnici JP Prostorno planiranje i uređenje grada Zenica, Agencije ZEDA, JU Predškolski odgoj i obrazovanje, Alba d.o.o. Zenica te predstavnici Udruženja za unapređenje životne sredine „e grupa“.

Gospođica Mehmedić je prisutnima predstavila Projekat, ciljeve te planirane rezultate, posebno se osvrnuvši na Rješenja zasnovana na prirodi (NBS) koja su do sada implementirali vodeći gradovi u Projektu. Upravo ovaj Kick off sastanak je trenutak kada prateći gradovi počinju aktivnosti u svrhu repliciranja dobre prakse u implementaciji NBS-ova koja su već realizovali vodeći gradovi. Prisutni su upoznati sa narednim koracima u implementaciji.

Cilj proGireg projekta jeste pro-

mocija replikacije 8 različitih vrsta rješenja zasnovanih na prirodi (NBS) koji su već implementirala 4 vodeća grada u Projektu. Upravo kroz prenos znanja Vodećih gradova u projektu na Prateće gradove, Prateći gradovi će imati podršku u razvoju urbanističkih rješenja i akcionih planova za primjenu rješenja zasnovanih na prirodi u lokalnom kontekstu.

Grad Zenica i Agencija ZEDA dio su međunarodnog konzorcija proGireg projekta u sklopu Horizon 2020 programa EU u kojem imaju ulogu aktivnih učesnika kroz prenos iskustava i prakse Vodećih gradova projekta.

Ostali partneri koji sudjeluju na Projektu su vodeći gradovi: Zagreb, Dortmund i Torino kao i prateći gradovi: Prag, Cluj, Sofija, Pirej, Zenica, Ningbo (Kina), te još 21 institucija koja se bavi tematikom vezanom za cilj Projekta.

ZEDA I BIGMEV SA BH. PRIVREDNICIMA NA INTERNACIONALNOM SAJMU HRANE U BURSI

U septembru 2021. godine u okviru realizacije aktivnosti projekta BITNET/EEN, a koji se realizuje u okviru programa COSME, Agencija ZEDA je u saradnji sa BIGMEVom, NETWORK FERS i EEN partnerom iz Turske – ULUTEK TEHNOPARK iz Burse sa bh. privrednicima posjetila Internacionalni sajam hrane i prehrambene industrije TURFOOD.

Ovo je bila odlična prilika da se bh. privrednici povežu sa renomiranim turskim preduzećima. Bh. privrednici su imali priliku da stupe u kontakte sa proizvođačima i prodavačima



raznovrsnih prehrambenih proizvoda i raznovrsnih pića; proizvođačima mesa i mesnih prerađevina; proizvođačima tradicionalnih proizvoda te sa proizvođačima opreme za re-

storane i hotele.

Bila je ovo odlična prilika za nova partnerstva i saradnju, a ZEDA će i ubuduće u saradnji sa partnerima organizovati slične aktivnosti.

ZEDA I BH. PRIVREDNICI NA SAJMU ZA OBRADU METALA U BURSI

Krajem novembra 2021. godine, u okviru realizacije aktivnosti projekta BITNET/EEN, a koji se realizuje u okviru programa COSME, Agencija ZEDA je u saradnji sa BIGMEVom, TUYAP FAIR i Privrednom/Gospodarskom Komorom FBiH sa bh. privrednicima posjetila Internacionalni sajam za obradu metala u Bursi - BUMATECH.

Ovom prilikom, bh. privrednicima je omogućeno poslovno povezivanje sa renomiranim turskim kompanijama koje djeluju o oblasti obrade metala i lima, te automatizacije.

Također, prilikom ove posjete, bh. delegacija je posjetila i ULUTEK tehnološki park tokom koje su održani sastanci bh. i privrednika iz Turske tokom kojih su dogovorene i buduće saradnje. U ULUTEK tehnološkom parku, bh. privrednici su imali priliku da se upoznaju sa predstavnicima dvije uspješne IT kompanije iz Turske koje



se bave kreiranjem softvera za proizvodne procese, preveniranje i detekcija neusklađenosti/greške, bez obzira na sektor te izazove koji učeju firme u budućnosti, a odnose se na digitalizaciju.

Treba napomenuti i to da je nekoliko zeničkih preduzeća već dogovorilo konkretne korake

za buduću saradnju među kojima je preduzeće „Braća Karić“ d.o.o. Zenica čiji su predstavnici ovom prilikom prošli obuku za rad na „CNC ABKANT PRESI“ u preduzeću „ERMAKSAN“ od kojeg su ranije kupili mašinu. Ovo je još jedna u nizu aktivnosti koje ZEDA realizuje u okviru programa COSME.

PREDSTAVNICI AGENCIJE ZEDA NA KONFERENCIJI O SIGURNOSTI DJEČJIH IGRALIŠTA U BIH



U novembru 2021. godine, u Zenici je održana Konferencija o sigurnosti dječjih igrališta koju je organizovalo preduzeće Glovis d.o.o. Zenica koje je poznato po proizvodnji mobilijara za dječija igrališta.

Ova konferencija imala je za cilj promovirati važnost ispitivanja i održavanja dječjih igrališta i na njoj je predstavljena platforma koja korisnicima pruža mogućnost organizovanog praćenja, održavanja, rekonstrukcije i planske izgradnje dječjih igrališta. Platforma je rezultat projekta finansiranog od strane Evropske unije i Sa-

vezne Republike Njemačke, a kroz projekat su uvedeni i novi proizvodni procesi i digitalizacija poslovanja u kompaniji Glovis d.o.o. što je poboljšalo produktivnost i konkurentnost ovog preduzeća.

Od 2014. godine, Laboratorija za ispitivanje sigurnosti proizvoda LIND, kojom upravlja Agencija ZEDA, proširila je područje akreditacije i na ispitivanje sigurnosti opreme za dječija igrališta.

Na ovoj Konferenciji se govorilo i o projektovanju, te izgradnji sigurnog igrališta, sistemu upravljanja sigurnosti dječjih

igrališta u gradovima, te ispitivanju sigurnosti proizvoda prema važećim standardima od strane akreditovane Laboratorije LIND.

Prisutni su imali priliku vidjeti demonstraciju ispitivanja opreme za dječija igrališta od strane uposlenika Agencije ZEDA (Laboratorija LIND), te da se upoznaju sa najčešće utvrđenim neusklađenostima opreme za dječija igrališta i površine potrebne za opremu.

EU4Business je projekat Evropske unije, koji s ciljem jačanja ekonomije BiH podstiče razvoj ciljanih sektora. Projekat je vrijedan 16,1 miliona eura, a zajednički ga finansiraju Evropska unija (15 miliona eura) i Savezna Republika Njemačka (1,1 miliona eura). Zajedno ga provode GIZ, ILO i UNDP, od aprila 2018. godine do marta 2022. godine. EU4Business je dio Programa lokalne samouprave i ekonomskog razvoja u BiH koji podržava Vlada SR Njemačke. Za više informacija, posjetite www.eu-4business.ba

U AGENCIJI ZEDA ODRŽANA PREZENTACIJA PROIZVODA I USLUGA ASA BANKE



Početakom jula 2021. godine, Agencija ZEDA je u saradnji sa ASA bankom organizovala prezentaciju proizvoda i usluga za obrte, start-up i d.o.o. preduzeća.

Cilj prezentacije bio je omogućiti domaćim preduzećima više informacija o novostima koje ASA banka nudi, a koja imaju potrebu za obezbjeđivanjem povoljnih finansijskih sredstava sa ciljem unapređenja poslovnih procesa i povećanja konkurentnosti.

U budućnosti će ZEDA organizovati prezentacije proizvoda i usluga i sa drugim bankama.

GRAD ZENICA I AGENCIJA ZEDA ORGANIZOVALI EDUKATIVNO-ZABAVNI PROGRAM O ENERGETSKOJ EFIKASNOSTI ZA DJECU/ „I ja čuvam Planetu!“

U novembru 2021. godine, Grad Zenica i Agencija ZEDA su u Shopping centru Džananović Zenica, pripremili pravi spektakl za najmlađe sugrađane. Edukativno – zabavni program tokom kojeg su djeca naučila kako dati lični doprinos očuvanju Planete i kako loše navike zamijeniti dobrima, imao je za cilj podizanje svijesti o važnosti očuvanja životne sredine i obnovljivih izvora energije građanima Zenice s akcentom na djecu vrtićkog i školskog uzrasta.

Pozitivne navike treba usvajati i njegovati od djetinjstva pa su Grad Zenica i Agencija ZEDA za mališane pripremili bogat program tokom kojeg su učili i zabavljali se istovremeno.

Uz pomoć tima iz Tropika, program je bio nezaboravan. Maskote, klauni, kreativne radionice, plesna zabava, predstave, takmičenja i brojne nagrade samo su dio programa tokom kojeg su djeca naučila mnogo informacija o štednji energije. Ovo je samo jedna u nizu aktivnosti koju Grad Zenica i Agencija ZEDA organizuju iz oblasti energetske efikasnosti.



Također, u okviru Energetskih dana, organizovan je nagradni konkurs na temu: „I ja čuvam Planetu!“ na kojem su djeca od 06 do 14 godina trebala nacrtati crtež ili od plastičnih flaša/čaša napraviti ponovo upotreblijive predmete, te pokazati



svoju percepciju ove teme. Komisija je imala težak zadatak ali rezultati bodovanja su pokazali da su prva tri mjesta osvojili:

1. **Amra Omić**, O.Š. „Musa Čazim Čatić“ (Blatuša) -Nagrada: RUKSAK
2. **Adnan Kolić**, O.Š. „Musa Čazim Čatić“ (Blatuša) – Nagrada: KACIGA ZA BICIKLO
3. **Sara Kovačević**, O.Š. – „Meša Selimović“ – Nagrada: SAT

Specijalnu utješnu nagradu po odluci komisije kao nagrada za trud, dobila je Norah Gržan iz O.Š. „Edhem Mulabdić“.

U Nagradnom konkursu su učestvovali učesnici osnovnih škola: O.Š. „Meša Selimović“ Zenica, O.Š. „Musa Čazim Čatić“ i O.Š. „Musa Čazim Čatić“ (Blatuša), O.Š. „Čamil Sijarić“ Nemila,



O.Š. „Edhem Mulabdić“ Zenica, O.Š. „Mak Dizdar“ Zenica, O.Š. „Arnauti“, te KŠC „Sveti Pavao“ Zenica.

GRAD ZENICA OSIGURAO BESPOVRATNA SREDSTVA ZA PODSTICAJ RAZVOJA PRIVREDNIH DRUŠTAVA

U 2021. godini Služba za privredu i upravljanje razvojem je sačinila Program mjera za unapređenje privrede za 2021. godinu na području grada Zenice. Gradsko vijeće je usvojilo ovaj program po kojem je Grad Zenica osigurao sredstva u iznosu od 200.000,00 KM, s ciljem unapređenja samozapošljavanja (pokretanje start-up preduzeća), zapošljavanja, poboljšanja općih uslova za razvoj i konkurentnost obrta, malih i srednjih preduzeća. Postupak po Javnom pozivu provela je Komisija imenovana od strane Gradonačelnika koju su činili predstavnici Službe za privredu i upravljanje razvojem, Agencije ZEDA i Udru-



ženja poslodavaca Zenica. Pravo na podsticaj po ovom Programu ostvarilo je 55 aplikanata i ukupno je dodijeljeno 190.466,72 KM. Tokom 2021. godine predstavnici

Službe za privredu i upravljanje razvojem zajedno sa predstavnicima Agencije ZEDA su izvršili monitoring preduzeća koja su korisnici podsticajnih sredstava iz prethodnih godina.

BBI BANKA I GRAD ZENICA: OBEZBEBIJEDILI PREKO 20 MILIONA MARAKA ZA PRIVREDNIKE U ZENICI

U Budžetu Grada Zenica za 2021. godinu, za provođenje ove mjere, izdvojena su sredstva u iznosu od 100.000,00 KM. Mjera se realizuje u saradnji sa BBI bankom, koja je na objavljenom javnom konkursu odabrana kao najpovoljniji ponuđač.

Javni poziv za subjekte male privrede (MSP) koji posluju na području grada Zenice raspisan je od strane BBI banke i na osnovu istog, do decembra 2021. godine, isplaćeno je 15 kredita u ukupnom iznosu od 1.205.000,00 KM.



Službe za privredu i upravljanje razvojem kontinuirano prati realizaciju ugovora po

svim ugovorenim kreditnim linijama počevši od 2018. godine.

AKTIVNOSTI

Brojne aktivnosti realizovane su u 2021. godini, mnogi projekti i aktivnosti se nastavljaju u 2022. godini, a urađeni su brojni planovi i ključni koraci za ono što slijedi u 2022. godini o čemu ćete više saznati na stranicama www.zenica.ba, www.zeda.ba, u medijima i u novom broju Newslettera u 2022. godini.



IZDAVAČ: Grad Zenica; **PRIPREMA PUBLIKACIJE:** Služba za privredu i upravljanje razvojem i Zenička razvojna agencija ZEDA; **AUTORI TEKSTOVA:** Armin Mujkić, Maida Mujanović, Ajna Dedić, Maša Škrbić; **FOTOGRAFIJE:** Emir Čaplja, Mirza Subašić; **DTP:** Emir Čaplja; **ŠTAMPA:** MeligrafPrint Zenica